

VI. Caponys in concys.

Schal be fodyn. Nym the lyre and brek it smal in a mortar and peper and wyte bred therwyth and temper it wyth ale and ley it wyth the capon̄ Nym hard fodyn eyryn and hewe the wyte smal and kaste there-to and nym the zolkys al hole and do hem in a dysch and boyle the capon̄ and colowre it wyth safron̄ and salt it and messe it forthe.

VII. Hennys^k in bruet.

Schullyn be scaldyd and fodyn wyth porke and grynd pepyr and comyn bred and ale and temper it wyth the felve broth and boyle and colowre it wyth safron̄ and salt it and messe it forthe.

VIII. Harys^l in cmeē^m.

Schul be parboylyd and lardy and rostid and nym onyons and myce hem rizt smal and fry hem in wyte gres and grynd peper bred and ale and the onions therto and coloure it wyth safron̄ and salt it and serve it forth.

IX. Haris in Talbotays.

Schul be hewe in gobbettys and fodyn with al the blod Nym bred piper and ale and grynd togidere

^k Hens.

^l Hares.

^m Perhaps *Cince*; for see N^o 51.